

Odluka o dopuni federalnog Zakona o postupku upisa pravnih lica u sudski registar sa aneksom o pravilnom izboru za stranačku funkciju i ispunjavanju uslova za vršenje stranačke funkcije, kao i o zabrani upisa u sudski registar stranaka

Koristeći se ovlaštenjima koja su mi data članom V Aneksa 10 (Sporazuma o implementaciji civilnog dijela Mirovnog ugovora) Općeg okvirnog sporazuma za mir u Bosni i Hercegovini, prema kojem je Visoki predstavnik konačni autoritet u zemlji u pogledu tumačenja navedenog Sporazuma o civilnoj implementaciji Mirovnog ugovora; i posebno uzevši u obzir član II 1. (d) istog Sporazuma prema kojem Visoki predstavnik "pruža pomoć, kada to ocijeni neophodnim, u iznalaženju rješenja za sve probleme koji se pojave u vezi sa civilnom implementacijom";

Pozivajući se na stav XI. 2 Zaključaka Vijeća za implementaciju mira koje se sastalo u Bonu 9. i 10. decembra 1997. godine, u kojem je Vijeće za implementaciju pozdravilo namjeru Visokog predstavnika da iskoristi svoj konačni autoritet u zemlji u pogledu tumačenja Sporazuma o civilnoj implementaciji Mirovnog

ugovora kako bi pomogao u iznalaženju rješenja za probleme, kako je prethodno rečeno, "donošenjem obavezujućih odluka, kada to bude smatrao neophodnim," u vezi sa određenim pitanjima, uključujući (u skladu sa tačkom (c) ovog istog) mjere u svrhu osiguranja implementacije Mirovnog sporazuma na čitavoj teritoriji Bosne i Hercegovine i njenih entiteta koje mogu sadržati "radnje protiv osoba koje obavljaju javne funkcije ili zvaničnika...za Visoki predstavnik ustanovi da postupaju u suprotnosti sa zakonskim obavezma preuzetim u skladu sa Mirovnim sporazumom odnosno uvjetima za njegovu provedbu";

Konstatirajući da je stavu X:5 Aneksa Deklaracije Vijeća za implementaciju mira donesenog u Madridu 16. decembra 1998. godine navedeno da Vijeće prihvata da se liderima kojima Visoki predstavnik zabrani obavljanje službene funkcije "do daljnog se također može zabraniti kadidiranje na izborima i obavljanje svake druge izabrane ili imenovane javne funkcije te funkcije u političkim strankama";

Uzimajući u obzir mandat prethodno povjeren Privremenoj izbornoj komisiji u skladu sa članom III. Aneksa 3. Općeg okvirnog sporazuma za mir u Bosni i Hercegovini te naknadno donesena Pravila i propise u čijim odredbama se utvrđuje da "Osobama koje je Visoki predstavnik razriješio javne funkcije neće biti dozvoljeno kandidiranje na izborima odnosno obavljanje svake izabrane ili imenovane javne funkcije";

Pozivajući se na član 7. Pravila postupanja Izborne komisije kod ovjere političkih stranaka, nezavisnih kandidata, koalicija i lista nezavisnih kandidata kojim se predviđa da prilikom podnošenja Izbornoj komisiji prijava za ovjeru politička stranka pored ostalog mora dostaviti dokaz o sudskom upisu ne stariji od 6 mjeseci;

Imajući u vidu značaj i neophodnost poboljšanja navedenih

odredaba s ciljem da se preduprijedi pojava daljih smetnjih kod provedbe Opći okvirnog sporazuma za mir u Bosni i Hercegovini.

Iz razloga utvrđenih u narednom dijelu ovog dokumenta donosim sljedeću odluku:

ODLUKA

O DOPUNI ZAKONA O POSTUPKU UPISA PRAVNIH OSOBA U SUDSKI REGISTAR

Zakon o postupku upisa pravnih osoba u sudski registar objavljen u Službenim novinama Federacije Bosne i Hercegovine br. 4/00 te njegove izmjene i dopune objavljene u Službenim novinama Federacije Bosne i Hercegovine br. 19/00, 49/00 i 32/00, ovim se dopunjaju kako slijedi:

“Aneks o prijavama za registraciju političkih stranaka

Prilikom razmatranja prijava za registraciju političkih stranaka, nadležne sudije moraju da se uvjere da:

Članovi centralnih statutarnih tijela političkih stranaka, kao što su predsjedništvo, glavni ili centralni odbor, savjetodavni odbori ili savjeti, sudovi časti, te sve druge osobe ili tijela kojima su date ovlasti prema statutu stranke, ili su im statutarna tijela stranke povjerila mandat da zastupaju stranku, su na odgovarajući način izabrani u skladu sa statutom od strane ovlaštene skupštine ili tijela stranke; te da

Bilo kojem članu takvog tijela ili osobama na taj način ovlaštenim nije zabranjeno obavljanje stranačke funkcije u skladu sa zakonom, uključujući i odluke Visokog predstavnika.”

Ova odluka stupa na snagu odmah i biće odmah objavljena u Službenim novinama Federacije Bosne i Hercegovine.

Sarajevo, 26. marta 2002.

Wolfgang Petritsch

Visoki predstavnik